



RUKOMETNI SAVEZ BOSNE I HERCEGOVINE

PROPOZICIJE TAKMIČENJA/NATJECANJA ZA PREMIJER LIGU BIH

- ŽENE

TAKMIČARSKA SEZONA 2018/2019

Sarajevo/Mostar, septembar/srpanj 2018.god.

Propozicije takmičenja/natjecanja 2018/2019



RUKOMETNI SAVEZ BOSNE I HERCEGOVINE

Na osnovu člana 35. Statuta Rukometnog saveza Bosne i Hercegovine, Upravni odbor Rukometnog saveza Bosne i Hercegovine (u daljem tekstu UO RS BiH), na svojoj sjednici održanoj u Zenici, dana 08.09.2018.godine, donio je:

PROPOZICIJE TAKMIČENJA/NATJECANJA PREMIJER LIGE BIH ZA 2018 /2019.god.

I - OPŠTI USLOVI

Član 1.

Ovim se Propozicijama takmičenja/natjecanja (u daljem tekstu Propozicije) određuje oblik takmičenja u Premijer ligi (u daljnjem tekstu PL) u ženskoj konkurenciji, koje organizira Rukometni savez Bosne i Hercegovine (u daljnjem tekstu RS BiH) .

Propozicije takmičenja/natjecanja (nakon usvajanja) **bit će dostavljene svim klubovima u elektronskom obliku** i objavljene na oficijelnoj web stranici RS BiH: www.rsbih.com

Propozicijama se određuje poredak i druge obveze, prava i dužnosti koje slijede iz takmičenja/ natjecanja.

Član 2.

Sve ekipe učesnice/ci takmičenja/ natjecanja moraju biti registrirane do početka takmičenja/natjecanja.

Igrači-ce, treneri i službene osobe također moraju biti registrirani i licencirani do početka takmičenja/ natjecanja.

Registracije i licence igrača-ica i službenih osoba se dostavljaju u elektronskom obliku svim klubovima i objavljeni na web stranici RS BiH prije početka prvenstva.

II - DVORANA

Član 3.

Sve dvorane moraju biti dekorirane zastavama Bosne i Hercegovine i RS BiH.

Propozicije takmičenja/natjecanja 2018/2019



RUKOMETNI SAVEZ BOSNE I HERCEGOVINE

Ekipa domaćin utakmice, koja priređuje utakmicu u registriranoj sportskoj dvorani, koja u trenutku odigravanja utakmice ne ispunjava uslove iz stava 1. ovog člana, kaznit će se novčanom kaznom.

Član 4.

Utakmice se igraju u sportskim dvoranama, koje je registrirao Rukometni savez BiH i o tome izdao odgovarajuće rješenje.

Uslovi koje moraju ispunjavati sportske dvorane su:

- ✧ Teren za igru je dimenzija 40 x 20 metara, a pod mora biti od drveta ili drugog elastičnog materijala;
- ✧ Teren za igru mora biti odvojen od gledalaca ogradom koja će onemogućiti ulazak gledalaca na teren. Visina ograde je jedan metar i ista mora biti udaljena od terena za igru najmanje jedan metar;
- ✧ Na golovima/vratima moraju biti postavljene ispravne mreže;
- ✧ Golovi/vrata moraju biti pričvršćeni za pod;
- ✧ Dvorana mora biti pravilno osvijetljena i uz odgovarajući raspored svjetlosnih izvora. Jačina svjetla je najmanje 500 luksa;
- ✧ Dvorana mora da ima svlačionice za svaku ekipu posebno i posebno za suce sa tuševima i sanitarnim uređajem.
- ✧ U dvorani mora biti posebna prostorija za sastavljanje zapisnika utakmice koja se stavlja delegatu/nadzorniku na raspolaganje.
- ✧ U određenom prostoru pored terena za igru mora se postaviti zapisnički sto i pored njega sa obje strane **klupe sa 16 mjesta ili 16 uvezanih stolica** za rezervne igrače i službene osobe kluba.
- ✧ Liječnik /zdravstveni radnik i spiker sjede pored zapisničkog stola.
- ✧ Za zapisničkim stolom sjede samo delegat/nadzornik, zapisničar i mjerilac vremena. Iznimno za zapisničkim stolom mogu da sjede po jedan predstavnik obje ekipe i to kada u dvorani dođe do kvara na semaforu ili semafor uopće ne radi ili kada na utakmicu ne dođe delegat/nadzornik.
- ✧ Na klupama sjede rezervni igrači/ice u sportskoj opremi i najviše četiri službene osobe sa istaknutim odgovarajućim **oznakama (A, B, C ILI D)**; svi moraju biti upisani u zapisnik sa utakmice i **sve službene osobe moraju biti jednoobrazno obučene u sportsku ili drugu opremu kluba, koja mora biti u boji različitoj od boje dresova protivničke ekipe.**
- ✧ U dvorani se mora nalaziti semafor za pokazivanje vremena i rezultata utakmice. Vrijeme se mjeri od **2 x od 0 do 30 minuta.**
- ✧ U vrijeme igranja utakmice u dvorani mora biti istaknuta zastava BiH i RS BiH.
- ✧ Dozvoljeno je igračima/icama da koriste ljepilo i isto mogu držati – odložiti na patikama. Međutim, nije dozvoljeno držanje ljepila na rukama ili zglobovima, jer ljepilo može dospjeti u oči ili lice igrača/ica i tako ugroziti zdravlje protivnika.



RUKOMETNI SAVEZ BOSNE I HERCEGOVINE

Bez obzira što je dvorana službeno registrirana od strane Rukometnog saveza BiH, **domaćin je obavezan da na svakoj utakmici osigura da svi naprijed navedeni uslovi u cijelosti budu ispunjeni**, a utakmica će početi kada sudije utvrde da su se stekli uslovi za odigravanje utakmice.

Ekipa, domaćin utakmice, koja organizira utakmicu u registriranoj sportskoj dvorani, koja u trenutku odigravanja utakmice ne ispunjava uslove iz odredbe stava 2.ovog člana,kaznit će se novčanom kaznom.

Član 5.

U sportskoj dvorani je zabranjeno pušenje.
Ekipa koja ne ispuni uslove iz odredbe stava 1.ovog člana,kaznit će se novčanom kaznom.

Član 6.

U sportskoj dvorani gdje se igra utakmica zabranjeno je unošenje staklenih i tvrdih predmeta, pogodnih za bacanje u polje za igru.
Ekipa koja ne ispuni uslove iz odredbe stava 1. ovog člana, kaznit će se novčanom kaznom.

Član 7.

U gledalištu sportske dvorane,najmanje dva (2) sata prije i za vrijeme utakmice, je zabranjena prodaja alkoholnih pića, kao i unošenje istih.
Ekipa koja ne ispuni uslove iz odredbe stava 1. ovog člana, kazni će se novčanom kaznom.

III - KALENDAR TAKMIČENJA/NATJECANJA

Član 8.

Termini igranja utakmica, u svim takmičenjima, moraju biti usklađeni sa Kalendarom takmičenja/natjecanja RS BiH kojeg je usvojio UO RS BiH pred početak svake takmičarske/natjecateljske sezone.Za izradu kalendara takmičenja/natjecanja

Propozicije takmičenja/natjecanja 2018/2019



RUKOMETNI SAVEZ BOSNE I HERCEGOVINE

je odgovorna kancelarija RS BiH i izrađuje se na prijedlog Stručne komisije/povjerenstva, selektora nacionalnih timova BiH, što u konačnici mora biti usklađeno sa kalendarom takmičenja/natjecanja EHF i IHF.

Član 9.

Igranje utakmica izvan propisanog termina dopušteno je samo iznimno, o čemu odluku donosi Komesar/Voditelj takmičenja/natjecanja u slučaju opravdanog razloga, isključivo na pisani zahtjev klubova i suglasnost oba kluba. Te utakmice igraju se u rezervnim terminima, tj. u prvom slobodnom terminu, a sa ciljem regularnosti takmičenja/natjecanja, najkasnije u roku od 15 dana od ranije predviđenog termina.

Član 10.

Utakmice se igraju prema utvrđenom i usvojenom Kalendaru takmičenja/natjecanja u redovnim terminima:

ŽENE

Subota - od 15:00 do 20:00 sati,

Nedjelja - od 13:00 do 17:00 sati

i

Srijeda - od 17,00 do 20,00 sati, odgođene utakmice i utakmice koje su predviđene Kalendarom takmičenja za igranje srijedom.

Uz suglasnost obje ekipe i odluke Komesara/Voditelja takmičenja, utakmica se može odigrati i izvan vremenskog roka određenog u stavu 1. ovog člana.

Član 11.

Ako je kalendarom takmičenja/natjecanja predviđeno da se utakmica odigra radnim danom, **početak utakmice mora biti zakazan od 17:00 do 20:00 sati.**

Član 12.

Ukoliko utakmicu direktno prenosi ovlašteni televizijski servis, utakmica će se igrati prema usuglašenom terminu sa televizijskim servisom.

Propozicije takmičenja/natjecanja 2018/2019



RUKOMETNI SAVEZ BOSNE I HERCEGOVINE

IV - FINANSIJSKI TROŠKOVI

Član 13.

Ekipe su obavezne uplatiti kotizaciju za takmičenje na račun RS BiH. Visinu i način uplate kotizacije iz stava 1. ovog člana se određuje odlukom UO RS BiH.

Ekipa koja ne uplati kotizaciju iz stava 1. ovog člana u vremenskom roku i na način koji je odredio UO RS BiH, ne može sudjelovati u takmičenju.

Za takmičarsku sezonu 2018/2019 visina kotizacije je:

2.500.00 KM za ekipe u ženskoj konkurenciji.

Kotizacija se uplaćuje obročno :

- Iznos u visini 1.250,00 KM najkasnije do 31.10.2018.g.
- Iznos u visini 1.250,00 KM sedam (7) dana prije početka proljetnog dijela natjecanja

Za cjelovitu provedbu i nadzor pravovremenog izvršavanja uplata pripadajućih iznosa je zadužena kancelarija RS BiH i Udruženje zaduženo za natjecanje, a Generalni sekretar je u obvezi pisanim informacijama redovito izvještavati članove UO RS BiH, te Komesare/Voditelje natjecanja o izvršavanju istih.

Član 14.

Visina taksi za službena lica za sezonu 2018/2019 će biti definirana posebnom odlukom UO RS BiH najkasnije 7 (sedam) dana prije početka prvenstva. Ista će biti objavljena na službenoj web stranici saveza i distribuirana svim klubovima.

V - VOĐENJE TAKMIČENJA

Član 15.

Takmičenjima u Premijer ligama u organizaciji RS BiH, rukovode Komesari/Voditelji koje imenuje UO RS BiH, na prijedlog matičnih saveza. Komesar/Voditelj takmičenja je zadužen za kompletno organizacijsko-tehničko provođenje takmičenja.

Komesar/Voditelj u prvom stupnju donosi sve odluke u vezi takmičenja primjenjujući odredbe važećih normativno-pravnih akata saveza.

Propozicije takmičenja/natjecanja 2018/2019



RUKOMETNI SAVEZ BOSNE I HERCEGOVINE

Član 16.

Obaveze Komesara / Voditelja su da:

- predlaže Izvršnom odboru Propozicije takmičenja/natjecanja najkasnije petnaest (15) dana prije početka takmičarske/natjecateljske sezone
- neposredno upravlja takmičenjima na osnovu Propozicija takmičenja i drugih akata RS BiH,
- vrši nominaciju službenih osoba,
- odlučuje o svim pitanjima u vezi sa takmičenjem u prvom stupnju,
- odlučuje o kaznama u prvom stupnju,
- samostalno pokreće disciplinske postupke i odlučuje u prvom stupnju o kaznama u vezi sa prekršajima Klubova i pripadnika RS BiH na utakmicama,
- određuje utakmice visokog rizika,
- registrira utakmice
- radi i druge poslove i zadatke u pogledu uspješnog provođenja takmičenja.

Član 17.

Bilten je službeno i javno sredstvo izvještavanja i objavljivanja odluka i zaključaka Komesara/Voditelja.

Komesar/Voditelj takmičenja je dužan redovno izdavati Bilten i to nakon svakog odigranog kola, te ga putem elektronske pošte dostaviti svim učesnicima takmičenja i postaviti na web stranicu RS BiH.

U Biltenu se objavljuju odluke Komesara/Voditelja donijete u prvostepenom postupku i postavljanjem Biltena na web stranicu RS BiH smatra se da je izvršena dostava osobi ili klubu na koje se odluka odnosi.

Član 18.

Komesar/Voditelj ima pravo donijeti odluku ,sa ciljem apsolutne regularnosti natjecanja, da se sve ili samo neke utakmice posljednja tri (3) kola, igraju istog dana i u isto vrijeme, o čemu mora obavijestiti sve učesnike prije posljednja 3 (tri) kola.

Član 19.

Komesar/Voditelj ima pravo odrediti dan i sat početka utakmice, ukoliko se ekipa domaćin utakmice nije pridržavao odredbi iz člana 10.,11. i 12. ovih Propozicija.

Propozicije takmičenja/natjecanja 2018/2019



RUKOMETNI SAVEZ BOSNE I HERCEGOVINE

Član 20.

Komesar/Voditelj je obavezan u roku od petnaest (15) dana, računajući od datuma prijema žalbe, donijeti odluku o žalbi u prvom stupnju.

Član 21.

Komesar/Voditelj je dužan u provođenju disciplinskih postupaka primijeniti Disciplinski pravilnik RS BiH i odredbe ovih Propozicija, te Pravilnika o organizaciji takmičenja.

VI – EKIPE

Član 22.

Učesnici takmičenja u takmičarskoj sezoni 2018/2019 u ženskoj konkurenciji su:

- 1.ŽRK Krivaja - Zavidovići**
- 2.ŽRK Dubica - Kozarska Dubica**
- 3.ŽRK Hrasnica – Hrasnica**
- 4.ŽRK Jedinstvo – Brčko**
- 5.ŽRK Ilidža -Ilidža**
- 6.HRK Katarina – Mostar**
- 7.RK Hadžići Dido group - Hadžići**
- 8.OŽRK Jedinstvo -Tuzla**
- 9.ŽRK Goražde - Goražde**
- 10.ŽRK Izviđač Central osiguranje – Ljubuški**
- 11.ŽRK Mira – Prijedor**
- 12.HŽRK Grude - Grude**

Propozicije takmičenja/natjecanja 2018/2019



RUKOMETNI SAVEZ BOSNE I HERCEGOVINE

Član 23.

Zapisnik mora biti sačinjen i potpisan 30 min prije početka utakmice od strane službenih predstavnika, ljekara ili medicinskog tehničara.

Zapisnik se sačinjava u prisustvu:

- ▲ službenih predstavnika ekipa,
- ▲ delegata/nadzornika,
- ▲ sudija,
- ▲ zapisničara i mjerUOca vremena i
- ▲ ljekara / medicinskog tehničara.

Nakon završene utakmice zapisnik potpisuju službene osobe ekipa, ljekar/zdravstveni radnik, mjerilac vremena, zapisničar, sudije i delegat/nadzornik. Izvještaj uz zapisnik se potpisuje nakon odigrane utakmice, a službeni predstavnici ekipa mogu da daju eventualni kraći komentar sa utakmice ukoliko to smatraju svrsishodnim kao i suci i delegat/nadzornik.

Ekipa čiji pripadnik ne potpiše zapisnik svojom voljom, kaznit će se novčanom kaznom.

Član 24.

Prije početka utakmice službeni predstavnik ekipe obavezno daje na uvid delegatu/nadzorniku službeni spisak trenera s licencom za takmičarsku godinu koja je u toku, koja se nalazi na službenom spisku licenciranih trenera ovjeren od strane RS BiH i objavljen na službenoj web stranici saveza.

Ekipa ima pravo nastupa bez trenera.

Ekipa koja nastupi bez trenera kaznit će se novčanom kaznom.

Član 25.

Prije početka utakmice službeni predstavnik ekipe obavezno daje na uvid delegatu/nadzorniku službeni spisak igrača/ica ovjeren od strane RS BiH i objavljen na službenoj web stranici saveza.

Igrači/ce koji nisu na spisku službenog registra registriranih i licenciranih igrača RS BiH ne mogu nastupiti.

Član 26.

Prije početka utakmice službeni predstavnik ekipe obavezno daje na uvid nadzorniku/delegatu službeni spisak za sve službene osobe čija se imena upisuju u zapisnik sa utakmice.

Ekipi je dopušteno prijaviti najviše četiri službene osobe za utakmicu.

Propozicije takmičenja/natjecanja 2018/2019



RUKOMETNI SAVEZ BOSNE I HERCEGOVINE

Službene osobe ne mogu biti zamijenjene tijekom utakmice. Jedna od njih mora biti navedena kao službeni predstavnik ekipe, i samo je toj službenoj osobi dopušteno obraćanje mjeritelju vremena/zapisničaru i možebitno, sucima.

Službene osobe koje nisu na spisku službenog registra RS BiH registriranih i licenciranih službenih lica ne mogu biti upisane u zapisnik sa utakmice.

Član 27.

Licence za takmičarsku sezonu izdaje RS BiH po Odluci UO RS BiH. Licence su razvrstane po bojama:

- BIJELE licence se izdaju igračima i ne mogu se koristiti za druge namjene. Jedna ekipa može imati neograničen broj licenciranih igrača.
- PLAVE licence se izdaju službenim osobama ekipa. Jedna ekipa može imati neograničen broj licenciranih službenih lica.
- CRVENE licence se izdaju samo trenerima. Jedna ekipa može imati neograničen broj licenciranih trenera.

Da bi se licence ovjerila ekipa je dužna uz spisak za licenciranje Rukometnom savezu BiH, dostaviti :

- izvod (popis) iz registra registriranih pripadnika kluba, uredno ovjerenu od strane RS BiH
- postojeću licencu.

Rukometni savez BiH će izdati licence i za nove igrače-ice.

Licence za sudije i delegate/nadzornike izdaje Udruženje sudija RS BiH.

RS BiH (kancelarija) je dužna prije početka takmičarske / natjecateljske sezone objaviti na web stranici RS BiH objaviti Službeni registar svih licenciranih igrača-ica i službenih lica za takmičarsku/natjecateljsku sezonu.

Član 28.

Utakmice svih takmičenja RS BiH, igraju se prema Međunarodnim pravilima rukometne igre, sa pravom nastupa do 16 (šesnaest) igrača.

Ekipa mogu u zapisnik utakmice prijaviti 16 igrača/ica, od kojih 2 igrača/ice obavezno moraju biti mlađi/e od 21 godinu (muškarci) i 20 godina žene.

Ekipa koja u zapisnik unese 14 igrača i manje nije obavezna imati igrače mlađe od 21 ili 20 godina.



RUKOMETNI SAVEZ BOSNE I HERCEGOVINE

Član 29.

Igrači su obavezni nastupiti u jednoobraznoj sportskoj opremi klubskih boja, koje su prijavljene i objavljene u adresaru klubova. Ako i jedna i druga ekipa imaju sportsku opremu iste boje, gostujuća ekipa mora nastupiti u sportskoj opremi druge boje.

Boje dresova golmana jedne ekipe moraju biti iste, a različite od boje dresova obje ekipe i boje dresova protivničkih golmana.

Službeni predstavnici ekipa moraju biti jednoobrazno obučeni u sportskoj odjeći ili opremi kluba, u boji različitoj od boja dresova protivničke ekipe.

Dresovi moraju imati brojeve na leđima najmanje veličine dvadeset (20) centimetara, a na prsima najmanje deset (10) centimetara.

Brojevi igrača na dresovima moraju odgovarati brojevima u zapisniku.

Dopušteno je nošenje termo kratkih hlača u istoj ili sličnoj boji ispod šorca, jednoobrazno za cijeli tim.

Ekipa čiji igrači ne ispune uvjete iz odredaba stavova 1., 2., 3. i 4. ovog člana, kaznit će se novčanom kaznom.

Član 30.

Igrači/ce se moraju liječnički pregledati.

Igrači/ce bez ovjerenog liječničkog pregleda nemaju pravo igranja.

Liječnički pregled se mora obaviti u sportskoj ili drugoj zdravstvenoj ustanovi.

Liječnički pregledi su obavezni dva (2) puta tokom jedne takmičarske sezone (jesen i proljeće), za što je odgovoran klub koje pripadaju.

Liječnički pregledi moraju biti uvedeni u protokol zdravstvene ustanove i upisani u člansku knjižicu (elektronsku) igrača s tačnim danom pregleda, te ovjereni pečatom zdravstvene ustanove i faksimilom liječnika.

Član 31.

Pravo nastupa imaju svi ispravno registrirani, licencirani i liječnički pregledani igrači.

Igrači mlađi od šesnaest (16) godina života, moraju imati ovjeren specijalistički ljekarski pregled, u slučaju kada nastupaju u senUOrskoj konkurenciji.

Igrači pored specijalističkog pregleda moraju imati i ljekarski pregled u skladu sa članom 30. ovih Propozicija.

Specijalistički pregled važi za jednu takmičarsku sezonu.



RUKOMETNI SAVEZ BOSNE I HERCEGOVINE

Član 32.

Ako službeni predstavnik ekipe bude diskvalificiran, zapisnik će u ime ekipe potpisati druga službena osoba navedena u zapisniku sa utakmice.
Ekipa koja ne ispuni odredbe iz stava 1.ovog člana, kaznit će se novčanom kaznom.

Član 33.

Vrijeme čekanja protivničke ekipe iznosi petnaest (15) minuta, računajući od vremena određenog za početak utakmice.

Delegat/Nadzornik ima pravo vrijeme čekanja produžiti do najviše trideset (30) minuta, računajući od vremena određenog za početak utakmice.

Ukoliko ekipa radi opravdanih razloga kasni i više od vremena čekanja propisanog u stavu 1. i 2. ovog člana, delegat/nadzornik će istražiti mogućnost da se utakmica igra istog ili slijedećeg dana.

Ekipa koja neopravdano zakasni na utakmicu, kaznit će se novčanom kaznom.

Ekipa koja neopravdano ne dođe na utakmicu ili ekipa koja ne zakaže utakmicu u svojstvu domaćina, kaznit će se novčanom kaznom, a utakmica će biti registrirana službenim rezultatom.

VII - ORGANIZACIJA UTAKMICE

Član 34.

Ekipa, domaćin utakmice, **mora** najkasnije sedamdeset dva (72) sata prije početka utakmice elektronskom poštom, fax-om obavijestiti o datumu i vremenu početka utakmice:

- ✧ gostujuću ekipu i navesti boju svojih dresova i boju golmanskih dresova,
- ✧ delegata/nadzornika,
- ✧ sudije,
- ✧ Komesara/Voditelja takmičenja.

Ekipa koja ne postupi u skladu sa odredbom stava 1.ovog člana,kaznit će se novčanom kaznom za svaki e-mail ili fax koji nije poslan ili je poslan van propisanog roka.

Propozicije takmičenja/natjecanja 2018/2019



RUKOMETNI SAVEZ BOSNE I HERCEGOVINE

Član 35.

Organizacija utakmice se smatra završenom, kada svi sudionici napuste sportsku dvoranu. Ekipe domaćin utakmice je odgovorna za red i sigurnost u sportskom objektu.

Ekipe domaćin mora gostujućoj ekipi i službenim osobama, pružiti potpunu sigurnost od dolaska u mjesto igranja utakmice pa do odlaska iz mjesta igranja.

Ekipe domaćin dužna je nadoknaditi svaku materijalnu štetu načinjenu na imovini gostujuće ekipe i službenih osoba. Visina naknade za pričinjenu štetu utvrđuje se na osnovu zapisnika nadležne policijske uprave i nadležnog osiguravajućeg društva.

Gostujuća ekipa i službene osobe odgovorni su za štetu nastalu u prostorijama koje su koristili za vrijeme utakmice i dužni su istu nadoknaditi na opravdani zahtjev vlasnika objekta.

Ekipe koje ne ispunje uvjete iz odredbi stava 1.,2.,3. i 4.ovog člana, kaznit će se novčanom kaznom.

Član 36.

Ekipe, domaćin utakmice, mora na vrijeme osigurati sportsku dvoranu u skladu sa odredbama iz ovih Propozicija.

Ekipe,domaćin utakmice, mora osigurati najmanje četiri (4) redara, koji moraju nositi vidljive oznake i ne smiju biti mlađi od osamnaest (18) godina života.

Najkasnije trideset (30) minuta prije početka utakmice,ekipe domaćin utakmice mora delegatu/nadzorniku predati pismeni popis redara koji sadrži ime, prezime i JMBG svakog od redara.

Ekipe, domaćin utakmice,mora omogućiti delegatu, ako on to zatraži, provjeru identiteta redara.

Ekipe, domaćin utakmice, pored četiri redara, mora prijaviti i Glavnog dežurnog/ službujućeg čije se ime i JMBG unosi u zapisnik utakmice.

Delegat/nadzornik je obavezan u zapisniku utakmice ubilježiti osnovne podatke o glavnom dežurnom/službujućem.

Ekipe koji ne ispunje uvjete iz odredbi stava 1., 2., 3. i 4. ovog člana,kaznit će se novčanom kaznom.

Član 37.

Početak utakmice određuje ekipa, domaćin utakmice.

Pri određivanju dana i sata početka utakmice ekipa, domaćin utakmice, mora obavezno uzeti u obzir mogućnost za upotrebu javnog prijevoza,kako bi gostujuća ekipa imao što manje novčane troškove, što kraće boravila u mjestu igranja utakmice i što manje morala putovati u kasnim noćnim satima.



RUKOMETNI SAVEZ BOSNE I HERCEGOVINE

Član 38.

Ekipa, domaćin utakmice je obavezna na vrijeme, u skladu sa odredbama zakona, pismeno obavijestiti nadležnu Policijsku upravu o datumu i satu odigravanja utakmice.

Ekipa, domaćin utakmice, je obavezna najmanje trideset (30) minuta prije početka utakmice, delegatu/nadzorniku predložiti pisani dokaz kojim je zatražila prisutnost policije, koji je ovjeren od strane Policijske uprave.

Ekipa koja ne ispunjuje uvjete iz odredbe stava 1. i 2. ovog člana, kaznit će se novčanom kaznom.

Član 39.

Ekipa, domaćin utakmice obavezan je službene osobe isplatiti (predložiti dokaznicu uplate) u skladu sa odredbama Propozicija, najkasnije trideset (30) minuta prije početka utakmice.

Ekipa koja ne ispunjuje obaveze iz odredbe stava 1. ovog člana, kaznit će se sa novčanom kaznom, te se SUSPENDUJE do izmirenja svojih obaveza.

Član 40.

Ekipa, domaćin utakmice, obavezna je deset (10) minuta prije početka utakmice, osigurati dvije (2) ispravne lopte za igranje utakmice.

Ekipa koja ne ispunjuje obavezu iz stava 1. ovog člana, kaznit će se sa novčanom kaznom.

Član 41.

Ekipa, domaćin utakmice, je odgovoran za nestanak električne energije u sportskoj dvorani, ako nestanak nije posljedica kvara.

Delegat/nadzornik je obavezan u zapisniku utakmice opisati događaj i ubilježiti tačno vrijeme prekida trajanja igre.

Ekipa, odgovorna za radnju iz stava 1. ovog člana, kaznit će se novčanom kaznom.

Član 42.

Ulazak gledaocima u igralište nije dopušten jedan (1) sat prije početka utakmice pa sve do odlaska svih aktera sa igrališta.



RUKOMETNI SAVEZ BOSNE I HERCEGOVINE

Ulazak gledalaca u igralište za vrijeme utakmice smatra se slabo priređenom utakmicom, pa takav postupak delegat/nadzornik mora opisati u svom Izvještaju uz zapisniku sa utakmice.

Ulazak gledalaca u igralište, poslije završetka utakmice, a da time nitko nije ugrožen, ne smatra se slabo priređenom utakmicom.

Ekipa, odgovorna za radnju iz stava 2. ovog člana, kaznit će se novčanom kaznom.

Član 43.

Ekipa, domaćin utakmice, je odgovorna za nered u kojem učestvuju gledaoci, za napad gledalaca na učesnike utakmice, što se smatra slabo pripremljenom utakmicom, pa učinjenu radnju delegat mora opisati u Izvještaju uz zapisnik utakmice.

Ekipa, domaćin utakmice, je odgovorna za ispade gledalaca, za neprimjereno skandiranje i bacanje raznih predmeta u igralište, što se smatra slabo pripremljenom utakmicom, pa učinjenu radnju delegat mora opisati u Izvještaju uz zapisnik utakmice.

Ekipa domaćin odgovorna je ukoliko su gledaoci u kontaktu sa ogradom ili krećući se uz ogradu na bilo koji način ometaju igrače-ice i službena lica, što se također smatra slabo pripremljenom utakmicom, pa učinjenu radnju delegat mora opisati u Izvještaju uz zapisnik utakmice

Ekipa odgovorna za radnju iz stava 1., 2. i 3. ovog člana ili prekid utakmice, kaznit će se novčanom i vremenskom (zavisno od težine incidenta) kaznom zabrane nastupa u dvorani od jedne do šest utakmica.

Član 44.

U slučaju izricanja kazne iz člana 43. ovih Propozicija, najbliže mjesto u kojem se može odigrati utakmica mora biti udaljeno najmanje trideset (30) kilometara od mjesta iz kojeg dolazi kažnjena ekipa. Za određivanje udaljenosti od mjesta do mjesta primjenjuje se daljinar RS BiH, usklađen sa daljinarom sa web stranice www.viamichein.com

Član 45.

Ekipa, domaćin utakmice, ubire cjelokupan prihod s utakmice.

Ekipa, domaćin utakmice, je obavezna najkasnije deset (10) minuta nakon završetka utakmice, delegata/nadzornika usmeno izvijestiti o broju prisutnih gledalaca.



RUKOMETNI SAVEZ BOSNE I HERCEGOVINE

Član 46.

Ekipe, domaćin utakmice, je obavezan, bez naplate ulaznice, omogućiti prisutnost na utakmici osobama koje posjeduju zvanične iskaznice RS BiH. Ekipe koji ne ispuni obaveze iz odredbe stava 1. ovog člana, kaznit će se novčanom kaznom.

Član 47.

Ekipe, domaćin utakmice, mora osigurati snimanje utakmice, a isto tako i svakom rukometnom klubu omogućiti nesmetano snimanje utakmice. Utakmica se **MORA** snimati profesionalno i nepristrasno, sa upotrebom tehnike koja omogućuje praćenje toka snimanja utakmice na video zapisu po satima, minutama i sekundama.

Snimanje utakmice mora započeti sa izlaskom igrača na teren, uz praćenje toka utakmice od početka do kraja prvog poluvremena, odnosno do odlaska igrača u svlačionicu.

Nastavak snimanja započinje ponovnim izlaskom na teren igrača radi igranja drugog poluvremena i traje sve dok se utakmica ne završi.

Snimanje ne može prestati dok se svi igrači, sudije i službene osobe ne udalje sa terena.

Za vrijeme snimanja potrebno je povremeno pokazati semafor da bi se registriralo vrijeme i rezultat, a posebno kada se radi o spornim trenucima na utakmici.

Obavezno je snimati sve sporne momente na utakmici, kao i u prekidima utakmice, te obavezno ako ima spornih događanja poslije utakmice.

Na snimcima ne smije biti nikakvih prekida, niti rezanja, odnosno materijal mora biti u tzv. "sirovom stanju".

Ekipe, domaćin utakmice, mora osigurati sve uvjete za snimanje utakmice snimatelju koga ovlasti RS BiH.

Ekipe, domaćin utakmice, obavezna je Komesaru/Voditelju takmičenja dostaviti snimak utakmice na DVD, najkasnije 96 sati nakon odigrane utakmice, bez obzira da li ima žalba ili ne.

Ekipe gostiju snimanje utakmice mora najaviti ekipi domaćinu najkasnije četrdeset osam (48) sati prije igranja utakmice, i to u pismenom obliku.

Ekipe gostiju može, na fer i korektnoj osnovi, tražiti od ekipe domaćina da im se po završetku utakmice napravi kopija DVD sa utakmice.

Ekipe domaćin je obavezna na zahtjev delegata/nadzornika utakmice predati snimak utakmice.

Komesar/Voditelj takmičenja ima ovlaštenje donijeti odluku da mu se snimci svih ili pojedinih utakmica dostave odmah nakon završetka utakmice.

Komesar/Voditelj takmičenja nije ovlašten za dostavljanje snimaka, svih ili pojedinačnih, utakmica klubovima pojedinačno.



RUKOMETNI SAVEZ BOSNE I HERCEGOVINE

Ekipa, domaćin utakmice, obavezna je Delegatu/Nadzorniku utakmice po okončanju utakmice predati snimak utakmice u „sirovom stanju“, ako je na istu najavljena žalba, ili je došlo do prekida utakmice, a snimak utakmice Delegat/Nadzornik utakmice će odmah dostaviti Komesaru/Voditelju takmičenja.

Ekipa koji ne ispuni obaveze predviđene odredbama ovog člana, kaznit će se novčanom kaznom.

Delegat/nadzornik utakmice koji ne postupi po nalogu Komesara takmičenja biti će kažnjen.

Preporuka je svim klubovima da u skladu sa tehničkom opremljenošću, nastoje osigurati što veći broj utakmica sa mogućnošću praćenja putem Live Stream/ing – a.

Član 48.

Ekipa, domaćin utakmice, mora osigurati dovoljan broj primjeraka zapisnika i omogućiti ispravno pisanje zapisnika **uz obavezno korištenje računarske opreme.** Ekipa, domaćin utakmice, mora osigurati prikladnu prostoriju za nesmetano sastavljanje zapisnika.

Ekipa, domaćin utakmice, je obavezna da svim sudionicima takmičenja uruči kopiju zapisnika i vođenja rezultata utakmice.

Ekipa koja ne ispuni obaveze iz odredbe stava 1. , 2. i 3. ovog člana kaznit će se novčanom kaznom.

Član 49.

U zapisnik sa utakmice obavezno se upisuju:

- ✧ broj lige i broj utakmice
- ✧ broj klubova
- ✧ broj licence, broj dresa, PREZIME I IME igrača/ice
- ✧ broj licence PREZIME I IME svih službenih predstavnika
- ✧ PREZIME I IME sudija, delegata, zapisničara, mjerUOca vremena
- ✧ PREZIME, IME I MATIČNI BROJ liječnika/zdravstvenog radnika
- ✧ PREZIME, IME I MATIČNI BROJ Glavnog dežurnog/službujućeg

Jedan od službenih predstavnika mora biti službeni predstavnik ekipe. On ima pravo uljudno sarađivati sa službenim osobama za zapisničkim stolom.

Ekipa **MORA** imati službenog predstavnika ekipe.

Trener smije samo kratkotrajno ustati sa klupe za rezervne igrače, radi zamjene igrača i davanja uputa o načinu igre.

Za uredno sastavljanje zapisnika odgovoran je delegat/nadzornik utakmice i isti će biti kažnjen sukladno ovim propozicijama ukoliko zapisnik ne bude popunjen prema uputama.



RUKOMETNI SAVEZ BOSNE I HERCEGOVINE

Član 50.

Ekipa domaćin utakmice, **MORA** delegatu/nadzorniku utakmice omogućiti u roku od (1) jednog sata, računajući od sata završetka utakmice, da fax-om ili e-mailom dostavi Komesaru/Voditelju takmičenja zapisnik utakmice i izvještaj uz zapisnik sa utakmice sa mogućim pisanim izjavama.

Ekipa, domaćin utakmice, **MORA** delegatu/nadzorniku utakmice omogućiti u roku od jednog (1) sata računajući od sata završetka utakmice, e-mailom dostavi na adresu PR-a (administratora) RS BiH.

Delegat/nadzornik utakmice je dužan **SMS porukom javiti rezultat na mobilni telefon Komesara/ Voditelja takmičenja**, navodeći nazive ekipa, kratak komentar, eventualne nepravilnosti i izrečene sankcije službenim osobama i diskvalifikacije igračima i to najduže 15 minuta nakon završetka utakmice.

Delegat/nadzornik utakmice je dužan originalni Zapisnik (glavni i zapisnik o vođenju utakmice), sa Izvještajem uz zapisnik sa utakmice, eventualnim pratećim izjavama, Izvještaju o kontroli suđenja dostaviti Komesarima / Nadzornicima takmičenja na adresu koju Komesari/Voditelji naznače.

Ekipa koja ne ispuní obavezu iz odredbi stava 1. i 2. ovog člana, kaznit će se novčanom kaznom.

Delegat/nadzornik koji ne ispuní obavezu iz odredbi stava 1., 2., 3. i 4. ovog člana, biće kažnjen.

VIII - SLUŽBENE OSOBE UTAKMICE

Član 51.

Službene osobe utakmice su:

- sudije, delegat/nadzornik, zapisničar i mjerilac vremena,
- ljekar / zdravstveni radnik,
- službeni predstavnici Klubova,
- treneri, pomoćni treneri,
- te ostale osobe upisane u zapisnik sa utakmice.

Član 52.

Liste sudija i delegata/nadzornika usvaja UO RS BiH i one su sastavni dio ovih Propozicija.



RUKOMETNI SAVEZ BOSNE I HERCEGOVINE

Član 53.

Svaka ekipa ima pravo, prema Odluci UO RS BiH, izuzeti od suđenja jedan sudijski par uz pismeno obrazloženje.

Zahtjev za izuzeće sudijskog para mora se dostaviti sedam (7) dana prije početka takmičenja i ono važi do kraja takmičarske sezone i ne može se mijenjati u toku natjecateljske sezone.

Član 54.

Sudije i nadzornike/delegate suđenja određuju Komesar/Voditelj takmičenja.

Član 55.

Komesar/Voditelj vrši delegiranje sudija i nadzornika/delegata sa jedinstvene liste Premijer liga koju je usvojio UO RS BiH.

Lista može biti podijeljena po kvalitetu na A, B i C pa će i angažiranje osoba sa istih biti u skladu sa procjenom Komesara/Voditelja uzimajući u obzir težinu utakmica.

Član 56.

Komesar/Voditelj je dužan posebno voditi računa o utakmicama visokog rizika.

Član 57.

Delegiranje će se načelno obavljati ponedjeljkom za naredni vikend i eventualno za radne dane poslije tog vikenda ako je to kalendarom takmičenja predviđeno.

Član 58.

Sudije i nadzornici/delegati imaju pravo bez posljedica otkazati vršenje službene dužnosti u određenom terminu, na način da najmanje sedam (7) dana prije obavijeste pismenim putem Komesara takmičenja o nemogućnosti obavljanja službene dužnosti u određenom terminu.

Otkazivanje vršenja službene dužnosti mora se obaviti u pisanoj formi najkasnije u ponedjeljak do 12 sati.

Otkazano vršenje dužnosti ulazi u kvotu delegiranja.

Otkazano vršenje dužnosti nakon delegiranja, smatrat će se opravdanim u slučajevima lične bolesti uz dokaz od zdravstvene ustanove uz prilaganje ljekarskog nalaza ili smrtnog slučaja u užoj porodici (užim članom obitelji se smatraju : suprug-a, djeca, otac, majka, brat, sestra i njihova djeca, roditelji supružnika), u slučajevima neodgovornih poslovnih obaveza (najvaljenih kako je opisano u stavu 1. ovog člana i dokazanih potvrdom poslodavca) te u slučajevima zauzetosti na međunarodnoj utakmici, a što cijeni Komesar takmičenja.

Drugi bilo koji razlog smatrat će se neopravdanim otkazom.

Propozicije takmičenja/natjecanja 2018/2019



RUKOMETNI SAVEZ BOSNE I HERCEGOVINE

Član 59.

Svaku utakmicu sude dvojica sudija sa grbom RS BiH.
Ako jedan od delegiranih sudija ne dođe, utakmicu će suditi samo jedan.
Ako na utakmicu ne dođe niti jedan sudija, odredit će se dva suca, ili samo jedan sudija koji su na listi sudija, a zateknu se u sportskom objektu.
Ako se u objektu nalazi više sudija i ekipe se ne mogu složiti koji će od prisutnih sudija sa liste suditi utakmicu, delegat će odabrati dvojicu ili jednog sudiju.
Ako su sudije najavile da će zakasniti, radi opravdanih razloga, utakmica se može odgoditi odlukom delegata/nadzornika, najviše za jedan (1) sat.

Član 60.

Radi nedolaska sudija, a nije moguće osigurati adekvatnu zamjenu, delegat/nadzornik ima pravo odlučiti, u dogovoru s Klubovima, da se utakmica igra u drugom terminu u roku od dvadeset četiri (24) sata i o svojoj će odluci odmah izvijestiti Komesara/Voditelja takmičenja.

Član 61.

Prije početka utakmice, po dolasku u sportski objekt, sudije moraju u skladu sa Pravilima igre i ovim Propozicijama, pregledati igralište i sve u vezi s tim.
Ako sudije i kontrolor nedvojbeno ustanove da igralište ne omogućuje početak utakmice, usmeno će zahtijevati od domaćina utakmice da otkloni nedostatke.
Ako to nije moguće, sudije će zajedno sa delegatom utakmice odlučiti hoće li se utakmica igrati unatoč uočenim nedostacima.

Član 62.

Domaćin utakmice je obavezan biti u prostoriji za sastavljanje zapisnika JEDAN (1) sat prije zakazanog termina utakmice sa svim potrebnim rekvizitima za sastavljanje zapisnika kao i gostujući predstavnik ekipe.

Domaćin utakmice pored svih ostalih rekvizita neophodnih za rad za zapisničkim stolom, i to: **rezervni sat, štoperica, pišta, žuti, crveni i plavi karton, oznake za time-out T1, T2 i T3 za obje ekipe, kartone za vođenje evidencije o isključenjima i za to pripadajuće stalke, mora** obezbijediti i **'karton povrijeđeni igrač'**. Kako bi se karton 'povrijeđeni igrač' višestruko koristio, trebao bi biti sačinjen od plastificiranog materijala, na način da s obje vidljive strane, omogućuje **pisanje i brisanje broja povrijeđenog igrača**. Iz tog razloga potrebno je obezbijediti i marker-brisač set.

U skladu sa članom 4. ovih Propozicija, **domaćin utakmice je obavezan obezbijediti oznake za službena lica obje ekipe (A,B,C,D)**

Propozicije takmičenja/natjecanja 2018/2019



RUKOMETNI SAVEZ BOSNE I HERCEGOVINE

Ako se gore navedeno u stavu ne ispuni po bilo kom stavu ekipa domaćin utakmice će biti novčano kažnjena.

Član 63.

Delegat/nadzornik utakmice je obavezan da provjeri u posljednjem Biltenu odluke Komesara/Voditelja takmičenja RS BiH vezano za takmičenje u Premijer ligama BiH, (npr. zabrana nastupa, finansijsko kažnjavanje itd ...).

Neispunjavanjem ove odredbe, delegat/nadzornik će biti kažnjen.

Član 64.

Delegat/nadzornik utakmice mora, prvog radnog dana nakon utakmice najkasnije do dvanaest (12) sati, poštom dostaviti Voditelju/Komesaru takmičenja:

- originalni zapisnik (glavni i vođenje utakmice),
- eventualne izjave igrača i službenih lica,
- Izvještaj uz zapisnik sa utakmice sa mogućim pisanim izjavama ,
- Izvještaj uz zapisnik u slučaju bilo kakvih događanja na utakmici,
- Izvještaj o kontroli suđenja (stari i novi obrazac)
- eventualno preuzeti „sirovi snimak“ utakmice u slučaju izjavljene žalbe, i to na adresu komesara takmicenja koja je sastavni dUO ovih Propozicija/Pravila.

Delegat/nadzornik je obavezan Izvještaj o kontroli suđenja dostaviti Komesaru takmicenja faksom ili elektronskom poštom najkasnije prvog radnog dana nakon utakmice najkasnije do dvanaest (12) sati.

Delegat/nadzornik je obavezan Izvještaj o kontroli suđenja (stari i novi obrazac), uz kopije zapisnika , elektronskom poštom ili poštom, dostaviti najkasnije prvog radnog dana nakon utakmice do dvanaest (12) sati, na adresu Stručno sudijske komisije.

Neispunjavanjem ovih obaveza delegat će biti sankcioniran na osnovu ovih Propozicija.

ADRESE KOMESARA TAKMIČENJA

Komesar takmičenja Premijer lige ŽENE: Arijana Vojić



RUKOMETNI SAVEZ BOSNE I HERCEGOVINE

Član 65.

Delegat/nadzornik zastupa Komesara/Voditelja takmičenja i obavlja poslove i zadatke u skladu sa odredbama ovih Propozicija i drugih propisa RS BiH. Ako na utakmici ne dođe određeni delegat/nadzornik, zamjenjuje ga prvoimenovani sudija, sa svim pravima i obavezama. Sudija koji zamjenjuje nadzornika/delegata, ili vrši dužnost nadzornika/delegata, nema pravo naplate delegatske takse, (Odredbe člana 64. ovih Propozicija) u protivnom snosi sankcije shodno Propozicijama. Ako za zapisničkim stolom nema nadzornika/delegata, službeni predstavnici ekipa imaju pravo sjediti za zapisničkim stolom.

Član 66.

Delegat/nadzornik mora odmah nakon utakmice zatražiti pisanu izjavu od igrača koji je bio diskvalificiran ili diskvalificiran uz prijavu kao i od službenih predstavnika ekipe koji su upisani u zapisnik, a koji su bili diskvalificirani. Obaveza je osoba iz stava 1. ovog člana da napišu pisanu izjavu u roku od petnaest (15) minuta, računajući od trenutka završetka trajanja igre. Delegat/nadzornik mora izjavu ili izjave iz stava 2. ovog člana, dopremiti Komesaru/Voditelju takmičenja. Na igrače koji su diskvalificirani radi trećeg isključenja na dvije minute, ne primjenjuje se odredba iz stava 1. i 2. ovog člana. **Ekipa čiji pripadnici ne ispune odredbe iz stava 1. i 2. ovog člana, kaznit će se novčano po svakom igraču-ici ili pripadniku-ici.**

Član 67.

Osobe koje daju izjave uz zapisnik, to moraju činiti na uljudan i dokazima potkrijepljen način i to samo o uslovima u kojima se utakmica igrala. Komesar/Voditelj takmičenja će na osnovu tih izjava poduzeti potrebne mjere.

Član 68.

Ako iz nekog razloga, originalni zapisnik pisan tokom utakmice bude uništen, odmah nakon utakmice piše se novi zapisnik. Za pisanje novog zapisnika poslužit će sudijske bilješke i bilješke delegata/nadzornika. U novi zapisnik mora biti sve ubilježeno, jer se smatra da se dogodilo samo ono što je upisano u zapisnik utakmice. **Klub čiji je pripadnik odgovoran za trajni ili privremeni nestanak zapisnika, kaznit će se novčanom kaznom.**



RUKOMETNI SAVEZ BOSNE I HERCEGOVINE

Član 69.

Protiv delegata, sudija, zapisničara i mjerioca vremena koji ne dođu na utakmicu, Komesar/Voditelj takmičenja će pokrenuti disciplinski postupak.

Službena lica koja naplate troškove veće od propisanih kaznit će se zabranom obavljanja dužnosti na 3 (tri) naredna kola od dana izricanja kazne i novčanom kaznom, a u ponovljenom slučaju skidaju se sa liste.

Član 70.

Dužnosti zapisničara i mjerioca vremena mogu vršiti samo osobe, koje posjeduju licencu Udruženja sudija RS BiH.

Delegat/nadzornik mora provjeriti identitet zapisničara i mjerioca vremena i to uvidom u licencu.

Ekipa, domaćin utakmice, na kojoj dužnost zapisničara i mjerioca vremena, vrše osobe bez propisane licence, kaznit će se novčanom kaznom.

Član 71.

Ekipa, domaćin utakmice, mora na vrijeme osigurati i službenog liječnika ili zdravstvenog tehničara, s potrebnim priborom za pružanje prve pomoći.

Zdravstvena osoba iz stava 1. ovog člana mora se javiti delegatu/nadzorniku najkasnije trideset (30) minuta prije početka utakmice.

Utakmica se **ne može** igrati bez zdravstvene osobe.

Ekipa, domaćin utakmice, mora omogućiti delegatu/nadzorniku, ako on to zatraži, provjeru identiteta osobe zdravstvene struke

Delegat/nadzornik je obavezan u zapisniku utakmice ubilježiti osnovne podatke o zdravstvenoj osobi/liječniku.

Ekipa koja ne ispuni odredbe iz stava 1., 2., 3. i 4. ovog člana, kaznit će se novčanom kaznom.

Delegat/nadzornik koji postupi suprotno ovoj odredbi, kaznit će se u skladu sa ovim Propozicijama.

Član 72.

Klub ima pravo, pisanim zahtjevom, tražiti prisustvo Supervizora ili delegata o svom trošku, i to najkasnije DVADESETČETIRI sata prije odigravanja utakmice, računajući od datuma i termina određenog za igranje utakmice. Pisani se zahtjev iz stava 1. ovog člana dostavlja Komesaru/Voditelju takmičenja.

Supervizora određuje Komesar/Voditelj takmičenja.



RUKOMETNI SAVEZ BOSNE I HERCEGOVINE

Član 73.

Ako supervizora određuje Komesar/Voditelj takmičenja ili UO RS BiH, troškove dnevnica i putnih troškova snosi RS BiH.

Član 74.

Službene osobe su dužne doći u mjesto odigravanja utakmice DVA (2) sata prije vremena zakazane utakmice.

U dvorani moraju biti JEDAN (1) sat prije početka utakmice.

Ako službene osobe nemaju opravdan razlog kašnjenja, kaznit će se u skladu sa ovim Propozicijama.

IX - PRIVREMENI I TRAJNI PREKID UTAKMICE

Član 75.

Utakmica se može prekinuti privremeno ili trajno. O prekidu utakmice odlučuju sudije, ako su iscrpljene sve prethodne mogućnosti, da bi se utakmica privela kraju.

Utakmica se prekida **privremeno** radi:

- ✧ velike hladnoće ili nenasnosne vrućine ili ako se igralište u toku utakmice onesposobi za igru toliko da onemogući nadzor nad loptom,
- ✧ rasvjete koja ne zadovoljava propisane uslove, ili nestanka električne energije,
- ✧ neuljudnog vladanja gledalaca i nakon upozorenja odstrane delegata,
- ✧ bacanja predmeta u igralište, na sudije, službene osobe ili igrače,
- ✧ nereda na igralištu, ometanja igre od gledalaca ili uopšte radi slabo priređene utakmice,
- ✧ drugih razloga koji su predviđeni Pravilima igre.

Kada se utakmica privremeno prekine, prekid traje dok se ne stvore zadovoljavajući uslovi za nastavak igre.

Utakmica se **prekida trajno** radi:

- ✧ fizičkog obračuna između pripadnika jedne i druge ekipe,
- ✧ radi fizičkog napada na učesnike utakmice s težim posljedicama,
- ✧ radi fizičkog napada na sudije i nadzornika/delegata, zapisničara i mjerUOca vremena,
- ✧ narušavanja Pravila igre i uslova igranja utakmice toliko, da sudije, unatoč poduzetim mjerama, ne mogu utakmicu privesti završetku.



RUKOMETNI SAVEZ BOSNE I HERCEGOVINE

Prije odluke o trajnom prekidu, delegat/nadzornik i sudije moraju tražiti od ekipe domaćina utakmice:

- ⤴ da ukloni nedostatke u priređivanju utakmice, ako je prekid nastao radi slabo priređene utakmice,
- ⤴ da uvede red u gledalištu i
- ⤴ da isprazni gledalište ili djelomično udalji gledaoce.

Ako se ni tada ne osigura red na igralištu, sudije će trajno prekinuti utakmicu. Klub čiji pripadnik/ca je kriv za prekid utakmice kaznit će se u skladu sa odredbama normativno pravnih akata saveza.

Član 76.

Ako se igra ponovljena ili nastavlja privremeno prekinuta utakmica, dodatne troškove snosi ekipa koja je prouzrokovala prekid utakmice.

Ako je utakmica prekinuta radi vremenske nepogode ili više sile, tada svaka ekipa snosi svoje troškove, a za sudije i delegata ekipa domaćin.

Član 77.

Ako je utakmica prekinuta privremeno iz člana 75. i ako se nisu stekli zadovoljavajući uslovi za nastavak igre u razumno kratkom roku, što cijene sudije i delegat/nadzornik, utakmica se nastavlja naredni dan. Ako i tada utakmica nije nastavljena smatra se da je prekinuta trajno.

Nastavak utakmice vodi se na istom zapisniku i sa istim akterima koji su i utakmicu započeli.

Izmjene i dopune zapisnika nisu dopuštene.

X - ODGODA UTAKMICE

Član 78.

Komesar/Voditelj takmičenja može odgoditi pojedine utakmice ili cijela kola takmičenja, kada to zahtijeva opšti interes rukometnog sporta, a u vezi je sa nastupom reprezentacija BiH, ili nastupom jedne ekipe u međunarodnim takmičenjima ili pak iz drugih razloga.

Komesar/Voditelj Takmičenja na osnovu Kalendara takmičenja će odrediti termine odgođenih utakmica iz stava 1. ovog člana, vodeći računa o odredbama ovih Propozicija.



RUKOMETNI SAVEZ BOSNE I HERCEGOVINE

Član 79.

Klub koja želi odgoditi utakmicu, iz nekih drugih razloga, obavezan je Komesaru/Voditelju takmičenja dostaviti pisani zahtjev, u čijem prilogu će se nalaziti **pisani pristanak druge ekipe i pisani prijedlog o danu i satu odigravanja utakmice, na koju se odnosi zahtjev.**

Zahtjev iz stava 1. ovog člana, **ekipa mora podnijeti najmanje sedam (7) dana prije dana predviđenog za odigravanje utakmice.**

Komesar/Voditelj takmičenja je obavezan donijeti odluku u vezi zahtjeva iz stava 1. ovog člana, u roku od tri (3) dana računajući od dana prijema zahtjeva.

Član 80.

Odgodene se utakmice moraju odigrati u vanrednim rokovima koje je Komesar/Voditelj takmičenja predvidio u kalendarom takmičenja, osim ako Komesar/Voditelj takmičenja nije odlučio drugačije u cilju regularnosti takmičenja.

Član 81.

Komesar/Voditelj takmičenja i UO RS BiH, imaju pravo odgoditi odigravanje cijelog kola takmičenja i odrediti novi datum odigravanja.

XI - ŽALBA NA UTAKMICU

Član 82.

Na odigranu utakmicu ekipa ima pravo izjaviti žalbu.

Žalba iz stava 1. ovog člana, se najavljuje najduže u roku od trideset (30) minuta, računajući od trenutka završetka utakmice, a prije zaključenja zapisnika utakmice.

U dopunski izvještaj sa utakmice moraju biti ubilježeni razlozi radi kojih ekipa izjavljuje žalbu.

Utakmica na koju je izjavljena žalba može biti poništena.

Član 83.

Komesar/Voditelj takmičenja ima pravo i obavezu poništiti utakmicu i na koju nije izjavljena žalba, ako se dogodilo nešto što je u očitoj suprotnosti s Pravilima igre, propisnicima RS BiH i ovim Propozicijama, a od odlučujućeg je značaja za konačni ishod utakmice.



RUKOMETNI SAVEZ BOSNE I HERCEGOVINE

Član 84.

Žalba radi igrališta, sprava i uređaja, čiji su nedostaci vidljivi prije utakmice, mora se najaviti prije početka utakmice.

Žalba na nastup igrača se mora najaviti prije utakmice i o tome se sačinjava službena bilješka u koju joj je žalitelj dužan navesti razloge za žalbu i potpisati.

Izuzetno žalba se može najaviti na naknadni upis igrača u zapisnik u skladu sa Pravilim igre najkasnije 30 minuta nakon završetka utakmice.

Žalba izjavljena nakon utakmice u slučajevima iz stava 1. ovog člana neće se razmatrati.

Član 85.

U roku od četrdeset osam (48) sati, računajući od sata završetka utakmice, ekipa koja je izjavila žalbu, mora poštom, elektronskom poštom ili faksom dostaviti Komesaru/Voditelju takmičenja žalbu sa svim bitnim elementima i eventualnim priložima.

Ekipa koja podnosi žalbu je obavezna na račun RS BiH, uplatiti taksu od 400,00 KM.

U slučaju da podnositelj žalbe ne uplati taksu iz stava 4. ovog člana Komesar/Voditelj takmičenja neće niti započeti postupak razmatranja.

Član 86.

Na odluku Komesara/Voditelja takmičenja nezadovoljna strana ima pravo podnijeti žalbu Drugostepenom organu-Takmičarskoj komisiji RS BiH i to u roku od osam (8) dana, računajući od datuma prijema prvostepene odluke.

Nezadovoljna strana iz stava 1. ovog člana, koja podnosi žalbu, je obavezna na odluku Komesara/Voditelja takmičenja o žalbi, uplatiti taksu u iznosu od 600,00 KM.

U slučaju da podnositelj žalbe ne uplati taksu iz prethodnog stava, žalbu će zaključkom odbaciti prvostepeni organ.

Član 87.

Žalba na prvostepenu odluku dostavlja se drugostepenom organu posredstvom prvostepenog organa-Komesara takmičenja, koji je obavezan dopremiti sav materijal drugostepenom organu, koji mora donijeti pravosnažnu odluku najkasnije u roku od 7 dana.

Član 88.

Na odluku drugostepenog organa može se uložiti zahtjev za zaštitu zakonitosti.

Zahtjev za zaštitu zakonitosti iz stava 1. ovog člana predaje se u pisanom obliku, UO RS BiH, posredstvom prvostepenog organa-Komesara takmičenja i to u roku od osam (8) dana, računajući od datuma prijema drugostepene odluke.

Propozicije takmičenja/natjecanja 2018/2019



RUKOMETNI SAVEZ BOSNE I HERCEGOVINE

Na podnijeti zahtjev za zaštitu zakonitosti podnositelj istog dužan je uplatiti taksu u visini od 1.000.00 KM.

U slučaju da podnositelj zahtjeva za zaštitu zakonitosti ne uplati taksu iz stava 3 ovog Člana, zahtjev za zaštitu zakonitosti će zaključkom odbaciti prvostepeni organ.

XII - REGISTRACIJA UTAKMICA

Član 89.

Komesar takmičenja će na osnovu zapisnika utakmice i pismenih izvještaja službenih lica registrirati utakmicu rezultatom 10:0 u korist jedne Ekipe, ako:

- ✧ Ekipa nije doputovala na odigravanje utakmice iz neopravdanih ili nepoznatih razloga,
- ✧ Ekipa domaćin nije organizirala utakmicu u predviđenom terminu i/ili nije došla na odigravanja utakmice iz neopravdanih ili nepoznatih razloga;
- ✧ igralište nije bilo osposobljeno za igru domaćinovom krivnjom,
- ✧ Ekipa odbije igrati utakmicu iz nepoznatih i neopravdanih razloga,
- ✧ Ekipa nastupi s igračem, koji nije imao pravo nastupa,
- ✧ Ekipa nastupi s igračem, kojemu je istekla valjanost ljekarskog pregleda,
- ✧ Ekipa napusti igralište ili odbije nastaviti započetu utakmicu,
- ✧ Se krivicom ekipe trajno prekine utakmica,
- ✧ domaćin utakmice nije osigurao prisutnost ljekara ili zdravstvenog tehničara sa potrebnom opremom za pružanje prve pomoći,
- ✧ Ekipa odbije da utakmicu sude delegirane sudije,
- ✧ Ekipa nije izmirila svoje novčane obaveze prema RS BiH, prema pismenoj prijavi kancelarije RS BiH.
- ✧ Ekipa nije izmirila novčane obaveze prema službenim osobama utakmice, a prema Odluci Komesara takmičenja je suspendirana do izmirenja istih,
- ✧ Ekipa domaćin utakmice iz nepoznatih razloga ne zakaže termin odigravanja utakmice

Osim što ekipa u slučajevima iz stava 1.ovog člana gubi utakmicu rezultatom 10:0, Ekipi se oduzima jedan (1) bod, od ukupno osvojenih bodova.

U slučaju kad je na utakmici postignuti rezultat povoljniji od 10:0, tada se on primjenjuje umjesto rezultata 10:0.

Član 90.

Ako je utakmica registrirana na osnovu odredbi člana 90.ovih Propozicija, Komesar/Voditelj takmičenja može protiv ekipe i njenih službenih osoba ili članova, pokrenuti disciplinski postupak.

Ako ekipa ne odigra dvije utakmice ili utakmice se registriraju 10:0 za protivnika iz bilo kojeg razloga, ekipa se isključuje iz daljnjeg takmičenja.



RUKOMETNI SAVEZ BOSNE I HERCEGOVINE

Ako ekipa odigra 50 % utakmica i manje njeni rezultati se brišu, a ako je ekipa odigrala 50 % utakmica i jednu ili više od toga sve preostale utakmice će se registrirati službenim rezultatom 10:0 za protivnika, te ista ekipa se ne može vratiti u PL, pod uvjetom da izmiri obveze prema RS BiH, najmanje 3 (tri) godine.

Član 91.

Ako ekipa iz opravdanih razloga ne dođe na utakmicu, razlog cijeni Komesar/Voditelj takmičenja, koji i određuje novi datum i vrijeme igranja utakmice.

Ako ekipa radi neopravdanih razloga ne dođe na utakmicu, mora platiti Ekipi, organizatoru utakmice, stvarne troškove priređivanja utakmice, koje određuje Komesar/Voditelj takmičenja, a koji su dokazivi odgovarajućom finansijskom dokumentacijom.

Član 92.

Komesar/Voditelj takmičenja dužan je utakmicu registrirati u roku od petnaest (15) dana, računajući od dana igranja utakmice.

Utakmica se registrira na osnovu:

- zapisnika utakmice,
- pisanih izjava sudija uz zapisnik sa utakmice,
- pisane izjave nadzornika/delegata uz zapisniku utakmice,
- mogućih naknadnih pisanih izvještaja sudija i nadzornika/delegata, te zapisničara i mjerUOca vremena,
- DVD snimka utakmice po potrebi;

Član 93.

Utakmica na koju je uložena žalba registrirat će se po završetku provedenog postupka.

XIII – TAKMIČENJE

Član 94.

Takmičenje se provodi prema dvostrukom bod sistemu i prema utvrđenom Kalendaru takmičenja uz doigravanje.

Svaka ekipa mora biti jednom domaćin, a jednom gost.

Ekipa za pobjedu dobiva tri (3) boda, za neriješen rezultat jedan (1) bod, a za poraz nula (0) bodova.

Propozicije takmičenja/natjecanja 2018/2019



RUKOMETNI SAVEZ BOSNE I HERCEGOVINE

Član 95.

PLŽ u natjecateljskoj sezoni 2018/2019 će brojati dvanaest (12) ekipa.

Takmičenje će se provesti u dvije faze :

1. Prva faza se provodi kroz ligaški dio natjecanja (jesen – proljeće) u kojem se odigrava 22 kola.

Poredak ekipa u PLŽ nakon odigranih 22 kola se određuje temeljem osvojenih bodova, a u skladu sa čl. 97 ovih Propozicija.

Dvije posljednje plasirane ekipe (11 i 12 mjesto) u ovoj fazi natjecanja napuštaju PLŽ. Četiri (4) prvo plasirane ekipe (1,2,3 i 4 mjesto) u ovoj fazi natjecanja osiguravaju nastavak natjecanja za prvaka PLŽ – play off, u koji prenose osvojene bodove.

2. Natjecanje za prvaka - Play off, se provodi po dvostrukom bod sustavu, Nakon obavljenog ždrijeba svaka ekipa mora biti jednom domaćin, jednom gost.

Ekipa koja nakon obje faze natjecanja osvoji najveći broj bodova (u skladu sa odredbama čl.97 ovih Propozicija) pobjednik je PLŽ za sezonu 2018/19.

PLŽ u natjecateljskoj sezoni 2019/2020 popunjavaju prvo plasirane ekipe Prvih liga Federacije i Republike Srpske.

Član 96.

Završni se poredak (prva i druga faza) određuje se na osnovu osvojenih bodova.

Ako dvije i više ekipa osvoji isti broj bodova, poredak se određuje na slijedeći način:

- ✧ u obzir se uzimaju međusobni rezultati ekipa o kojima je riječ, a poredak na tabeli se određuje na osnovu osvojenih bodova na tako dobivenoj mini tabeli,
- ✧ ako je broj bodova isti, bolje je plasirana ekipa koja ima bolju razliku datih i primljenih pogodaka na tako utvrđenoj mini tabeli,
- ✧ ako je razlika datih i primljenih pogodaka jednaka, bolje je plasirana ekipa koja je postigla više pogodaka u gostima,
- ✧ ako se ni tako ne može odrediti poredak, žrijebom će se odlučiti koja je ekipa bolje plasirana.
- ✧ Ako je riječ o mjestu koje odlučuje prelazak u niži rang takmičenja, odigrat će se jedna utakmica na neutralnom terenu ili ako je više od dvije ekipe, igraće se turnir po jednostrukom bod sistemu

Ako utakmica završi neodlučno, igraju se produžeci dva (2) puta po pet (5) minuta.

Ako i tada rezultat bude neodlučan, pobjednik će se dobiti izvođenjem sedmeraca.



RUKOMETNI SAVEZ BOSNE I HERCEGOVINE

Član 97.

Pred početak (vikend prije termina službenog kalendara RS BiH) natjecanja PL u natjecateljskoj sezoni 2019/2020, biti će odigrane utakmice Super Kupa u muškoj i ženskoj konkurenciji.

Utakmice za trofej Super Kupa će igrati osvajači PL i osvajači Kup natjecanja RS BiH iz prethodne natjecateljske sezone. U slučaju da je ista ekipa osvajač i Kup natjecanja i PL, sudionik utakmice Super Kupa je finalist Kup natjecanja.

Utakmice Super Kupa BiH imaju za cilj unaprijediti promociju rukometnog sporta, a odluka o mjestu odigravanja je u nadležnosti UO RS BiH.

XIV - KAZNE NE ODREDBE

Član 98.

Ekipa koja je prekršila pojedine ili više odredbi ovih Propozicija kažnjava se. Sve kazne iz ovih Propozicija u ponovljenom slučaju mogu se udvostručiti u odnosu na prethodnu kaznu.

Sve se kazne uplaćuju na račun RS BiH i to u roku od četiri (4) dana računajući od dana objavljivanja Biltena na web stranici RS BiH.

Član 99.

Ekipe koje igraju utakmicu, a po odluci Komesara/Nadzornika takmičenja ili Takmičarske komisije, u posljednjem Biltenu su bili kažnjeni, obavezni su najmanje trideset (30) minuta prije početka utakmice, delegatu predložiti uplatnicu iz koje je vidljivo da je kazna uplaćena.

Ekipe koje ne ispune odredbe iz stava 1. ovog člana, kaznit će se novčanom kaznom.

Ekipe koje ne uplate svoju finansijsku obavezu prema RS BiH (kotizaciju ili dugovanja po bilo kom finansijskom osnovu) se suspendiraju do uplate, a sve utakmice u toku suspenzije će se registrirati službenim rezultatom uz oduzimanje po jednog boda od već osvojenih bodova i dodatno se kažnjavaju novčanom kaznom.

Evidencija i vjerodostojnost moćebitnih finansijskih dugovanja su isključivo u nadležnosti RS BiH.

Član 100.

Diskvalifikacija sa prijavom (izvješćem), **crveni karton+plavi karton**, ima za posljedicu i pokretanje disciplinskog postupka i automatsku suspenziju.

Kažnjeni igrač ili službena osoba je obavezan dati pismenu izjavu delegatu utakmice 15 minuta po okončanju utakmice.

Ekipa čiji član je diskvalificiran sa prijavom (izvješćem) kažnjava se novčanom kaznom.

Propozicije takmičenja/natjecanja 2018/2019



RUKOMETNI SAVEZ BOSNE I HERCEGOVINE

Član 101.

Diskvalifikacija se izriče igraču i službenoj osobi ekipe.

Ekipe čija službena osoba ili igrač-ica, bude diskvalificirani, kaznit će se novčanom kaznom.

Igrač-ica ili službena osoba može biti kažnjena i sa jednom ili više utakmica ne igranja ili vršenja službene dužnosti, što zavisi od težine učinjenog prekršaja.

Ne važi automatska suspenzija, ako protiv prekršitelja nije podnijeta prijava u dopunskom ili u izvještaju uz zapisnik sa utakmice od strane sudija ili nadzornika/delegata utakmice.

Komesar/Voditelj takmičenja ima pravo pokrenuti i disciplinski postupak.

Član 102.

Službena osoba koja dobije opomenu, se upozorava na korektno ponašanje za prvi put (obavezno evidentiranje po ekipi), a za svaku narednu opomenu kaznit će se novčanom kaznom, progresivnim principom do maksimalnog iznosa od 200,00 KM .

Član 103.

Ekipe čija službena osoba bude isključena na 2 minuta, kaznit će se novčanom kaznom.

Član 104.

Za nesavjesno obavljanje dužnosti **delegat/nadzornik** će biti kažnjen prema dolje utvrđenoj skali i to:

1. **Nesavjesno obavljanje dužnosti** 2 utakmica ne delegiranja
 - 1.1. Nesavjesno obavljanje dužnosti – naredni put Skidanje sa liste
2. **Neuredno pisanje izvještaja** - 2 utakmica ne delegiranja
 - 2.1. Neuredno pisanje izvještaja – naredni put - Skidanje sa liste
3. **Nedostavljanje zapisnika u roku** - 2 utakmice ne delegiranja
 - 3.1. Nedostavljanje zapisnika u roku – naredni put Skidanje sa liste
4. **Nepravovremeni dolazak na utakmicu** - 2 utakmica ne delegiranja
 - 4.1. Nepravovremeni dolazak na utakmicu naredni put - Skidanje sa liste
5. **Ne dostavljanje izvještaja o obavljenom kontroliranju suđenja Voditelju/Komesaru takmičenja i SSK** - 2 utakmica ne delegiranja
 - 5.1 Ne dostavljanje izvještaja o obavljenom kontroliranju suđenja Voditelju/Komesaru takmičenja i stručno sudačkoj komisiji naredni put - Skidanje sa liste
6. **Neobjektivno prikazivanje činjenica kao i prikrivanje pojedinih činjenica** - Skidanje sa liste



RUKOMETNI SAVEZ BOSNE I HERCEGOVINE

Za nesavjesno obavljanje dužnosti **sudije** će biti kažnjene prema dole utvrđenoj skali i to:

1. **Nesavjesno obavljanje dužnosti** - 2 utakmice ne delegiranja
 - 1.1. Nesavjesno obavljanje dužnosti – naredni put - Skidanje sa liste
2. **Nepravovremen dolazak na utakmicu** - 2 kola ne delegiranja
 - 2.1. Nepravovremen dolazak na utakmicu naredni put - Skidanje sa liste
3. **Neobjektivno prikazivanje činjenica u izvještaju** - 2 kola ne delegiranja
 - 3.1. Neobjektivno prikazivanje činjenica u izvještaju naredni put - Skidanje sa liste
4. **Neopravdan nedolazak-otkaz na utakmicu** - 2 kola ne delegiranja
 - 4.1. Neopravdan nedolazak-otkaz na utakmicu naredni put - Skidanje sa liste
5. **Neobjektivno prikazivanje činjenica kao i prikrivanje pojedinih činjenica**
- Skidanje s liste

Nesavjesnim obavljanjem dužnosti ima se smatrati nepostovanje odredaba ovih propozicija od strane službenih lica, a za koje posebnim odredbama nisu predviđene kazne za nepoštivanje istih.

Član 105.

NOVČANE KAZNE IZREČENE NA OSNOVU POVREDA OVIH PROPOZICIJA

Član	Kazna	Iznos
II	DVORANA	
3.	Novčani iznos	500,00 KM
4.	Novčani iznos pojedinačno po stavu 2.	200,00 KM
5.	Novčani iznos	500,00 KM
6.	Novčani iznos	200,00 KM
7.	Novčani iznos	500,00 KM
VI	EKIPE	
23.	Novčani iznos	500,00 KM
24.	Novčani iznos	100,00 KM
26.	Novčani iznos	100,00 KM
29.	Novčani iznos	50,00 KM po igraču / službenom licu
32.	Novčani iznos	200,00 KM
33.4.	Novčani iznos	200,00 KM
33.5.	Novčani iznos	1.000,00 KM



RUKOMETNI SAVEZ BOSNE I HERCEGOVINE

VII ORGANIZACIJA UTAKMICE

- | | | |
|-------|---|---|
| 34. | Novčani iznos | 200,00 KM |
| 35. | Novčani iznos | 500,00 KM |
| 36. | Novčani iznos | 500,00 KM |
| 38. | Novčani iznos | 200,00 KM |
| 39. | Novčani iznos | 200,00 KM |
| 40. | Novčani iznos | 200,00 KM |
| 41. | Novčani iznos | 200,00 KM |
| 42. | Novčani iznos | 1.000,00 KM |
| 43. | Novčani iznos | od 500,00-1.500,00 KM |
| 43.4. | Zabrana nastupa u dvorani 1 do 6 utakmica | |
| 46. | Novčani iznos | 200,00 KM |
| 47. | Novčani iznos | 1.500,00 KM |
| 47.1. | Novčani iznos | 500,00 KM |
| 48. | Novčani iznos | 200,00 KM |
| 49. | Za delegate/službena lica veza član 106. | |
| 50. | Novčani iznos | 200,00 KM i delegate/službena lica veza član 106. |

VIII - SLUŽBENE OSOBE UTAKMICE

- | | | |
|-----|--|------------------------------------|
| 62. | Novčani iznos | 200,00 KM |
| 66. | Novčani iznos | 200,00 KM po igraču ili pripadniku |
| 68. | Novčani iznos | 300,00 KM |
| 70. | Novčani iznos | 200,00 KM po osobi za zap.stolom |
| 71. | Novčani iznos | 500,00 KM |
| 74. | Za delegate/službena lica veza član 106. | |

XIV - KAZNE NE ODREDBE

89. st.2 Novčani iznos 1000,00 KM

- | | | |
|------|---------------|-----------|
| 101. | Novčani iznos | 200,00 KM |
| 102. | Novčani iznos | 250,00 KM |
| 103. | Novčani iznos | 200,00 KM |
| 104. | Novčani iznos | 50,00 KM |
| 105. | Novčani iznos | 150,00 KM |

Sve novčane kazne koje je izrekao Komesar/Voditelj takmičenja moraju se uplatiti u propisanom vremenskom roku.

Izjavljena žalba na odluke Komesara/Voditelja takmičenja ne odgađa izvršenje odluke.



RUKOMETNI SAVEZ BOSNE I HERCEGOVINE

XV - TV, VIDEO I REKLAMNA PRAVA

Član 106.

Ekipa domaćin ima pravo da dodjeljuje video prava, kao i prava reklamiranja u sportskim dvoranama, za vrijeme svojih utakmica . Posebnim ugovorenim odnosom RS BiH i klubova će biti definirana moguća ekskluzivna televizijska prava.

RS BiH ima pravo postavljanja jednog reklamnog panoa veličine 200 x 80 cm ispred zapisničkog stola, bez naknade organizatoru utakmice.

Član 107.

Sve ekipe Premijer liga će izdati odobrenja, a na osnovu pismenih zahtjeva, svim zainteresiranim (televiziji, radio, novine i sl.).

Ekipe se obavezuju da svim zainteresiranim dostave na vrijeme sva potrebna obavještenja oko svojih utakmica.

XVI - PRELAZNE I ZAVRŠNE ODREDBE

Član 108.

Odredbe Propozicija tumači UO RS BiH. Sve što nije precizirano ovim Propozicijama, određeno je drugim propisnicima RS BiH.

Član 109.

Izmjene i dopune Propozicija vrše se na način i po postupku njihovog donošenja.

Član 110.

Datumom stupanja na snagu ovih Propozicija, prestaju važiti sve dosadašnje Propozicije.

Član 111.

Propozicije stupaju na snagu danom donošenja.

Upravni odbor RS BiH

Sarajevo, septembar/rujan 2018.god.

Propozicije takmičenja/natjecanja 2018/2019